

BOSNA I HERCEGOVINA  
FEDERACIJA BOSNE I HERCEGOVINE  
KANTON SREDIŠNJA BOSNA-SREDNJOBOSANSKI KANTON  
KANTONALNO TUŽILAŠTVO/ TUŽITELJSTVO

**T R A V N I K**

**Broj: T06 0 KT 0033233 23**

Datum, 09.07.2024.godine

**OPĆINSKOM SUDU U BUGOJNU**

**- Sudiji za prethodno saslušanje -**

**Potvrđena dana 27.01.2025.godine**

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

**O P T U Ź N I C U**

**PROTIV: M. J.**

**ŠTO JE:**

Dana 17.09.2022.godine oko 23,35 sati u mjestu Sandžački potok u Donjem Vakufu, općina Donji Vakuf, na magistralnom putu M5 Jajce-Donji Vakuf, doveo u zabludu nadležni organ policijske službenike Policijske stanice Donji Vakuf da u službenu zabilješku i knjigu ovjeri štogod neistinito što treba da služi kao dokaz u pravnom prometu, svjesno i htijući, tako što je fingirao saobraćajnu nesreću na način da je policijskim službenicima PS Donji Vakuf M. J. i M. H. naveo da je dana 17.09.2022.godine sa pmv Nissan reg. oznaka E51-O-517 vlasništvo njegovog oca O. M. učestvovao u saobraćajnoj nesreći, tako što je vozeći se sa pmv Nissan reg. oznaka E51-O-517 iz pravca Jajca u pravcu Donjeg Vakufa svojom desnom saobraćajnom trakom, te po ulasku u lijevu prostornu i nepreglednu krivinu iz suprotnog smjera se kretalo NN vozilo koje je prešlo u njegovu desnu saobraćajnu traku, nakon čega je sa ciljem da izbjegne kontakt sa NN vozilom pomjerio vozilo Nissan u desnu stranu i tom prilikom ostvario kontakt bočnom desnom stranom vozila Nissan sa metalnom zaštitnom ogradom, na koji način su nastala oštećenja u vidu ogrebotine na prednjem i zadnjim desnim felgama, zadnjim desnim vratima, zadnjem desnom blatobranu, prednjem braniku i prednjem desnom blatobranu, a udubljenje u vidu oštećenja lima na prednjim desnim vratima, iako je znao da su navedena oštećenja nastala u nekoj drugoj saobraćajnoj nesreći, na koji način je doveo u zabludu policijske službenike M. J. i M. H. da oni sačine javnu ispravu-Službenu zabilješku o saobraćajnoj nesreći broj: 02/5-4-04-6-725/22 od 18.09.2022.godine i Fotodokumentaciju oštećenja na predmetnom vozilu broj: 02/5-4-04-6-725/22 od 17.09.2022.godine, a koja službena zabilješka je unesena u knjigu protokola Policijske stanice Donji Vakuf pod brojem 725 na dan 18.09.2022.godine, da bi dana 06.10.2022.godine Grawe osiguranju dd

Sarajevo putem oca M. O. kao vlasnika navedenog vozila u namjeri da za istog pribavi protupravnu imovinsku korist- kasko osiguranja za vozilo Nissan reg. oznaka E51-O-517, pokušao dovesti u zabludu predstavnike Grawe osiguranja dd Sarajevo lažnim prikazivanjem činjenica da se dogodila saobraćajna nesreća dana 17.09.2022.godine na pmv Nissan reg. oznaka E51-O-517 koje je kasko osigurano po kasko polici osiguranja broj: 98012570 od 17.01.2022.godine kod Grawe osiguranja dd Sarajevo, a sve u pokušaju da pribavi protupravnu imovinsku korist i navede Grawe osiguranje dd da isplati polisu osiguranja na štetu svoje imovine, te je uz predmetni zahtjev predao i službenu zabilješku PS Donji Vakuf broj: 02/5-4-04-6-725/22 od 18.09.2022.godine, a koji zahtjev mu je odbijen na dan 22.11.2022.godine kao pravno neosnovan od navedenog osiguranja.

**Čime je učinio** krivično djelo „Ovjeravanje neistinitog sadržaja,, iz člana 375. stav 1. u sticaju sa krivičnim djelom „Prijevara“ iz člana 294. stav 1. u vezi sa članom 28. (pokušaj), a sve u vezi sa članom 54. KZ F BiH.

*Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.*